

ზუგდიდის მუნიციპალიტეტის მერია

**სახელმწიფო შესყიდვების განხორციელებასთან დაკავშირებით შექმნილი
სატენდერო კომისიის სხდომის**

ო.ქ.მ.ი.№2

**29 იანვარი, 2019 წელი
ქ. ზუგდიდი (რუსთაველის ქ. №90)**

სხდომას ესწრებოდნენ:

სატენდერო კომისიის თავმჯდომარე

მაიზერ ნანავა – ზუგდიდის მუნიციპალიტეტის მერის მოადგილე, ზუგდიდის მუნიციპალიტეტის მერის მოვალეობის შემსრულებელი;

სატენდერო კომისიის წევრები

გიორგი შენგელია – ზუგდიდის მუნიციპალიტეტის მერის პირველი მოადგილე;

თენგიზ შანავა – ზუგდიდის მუნიციპალიტეტის მერიის პირველი რანგის პირველადი სტრუქტურული ერთეულის – ადმინისტრაციული სამსახურის უფროსი;

რუსლან კილასონია – ზუგდიდის მუნიციპალიტეტის მერიის პირველი რანგის პირველადი სტრუქტურული ერთეულის – ეკონომიკური პროგრამებისა და ინფრასტრუქტურის სამსახურის უფროსი.

სატენდერო კომისიის აპარატის წევრები

გიგა ფარულავა – ზუგდიდის მუნიციპალიტეტის მერიის პირველადი სტრუქტურული ერთეულის – შესყიდვების სამსახურის უფროსი;

კობა ჭეჭია – ზუგდიდის მუნიციპალიტეტის მერიის II რანგის პირველადი სტრუქტურული ერთეულის – შესყიდვების სამსახურის უფროსის მოადგილე;

ბესიკ ქარდავა – ზუგდიდის მუნიციპალიტეტის მერიის II რანგის მეორადი სტრუქტურული ერთეულის შესყიდვების სამსახურის საქონლისა და მომსახურების შესყიდვის განყოფილების უფროსი.

სხდომას არ ესწრებოდნენ: ზვიად ღურწყაია, კობა ჯიქია და დავით ხუნჯუა.

სხდომის უფლებამოსილება განისაზღვრა კომისიის უმრავლესობით ოთხი წევრის დასწრებით.

სხდომის დღის წესრიგი:

ზუგდიდის მუნიციპალიტეტის ჭითაწყაროს ადმინისტრაციულ ერთეულში გზის სარეაბილიტაციო სამუშაოების შესყიდვაზე, 2019 წლის 15 იანვარს, აუქციონის გარეშე გამოცხადებულ ელექტრონულ ტენდერში (სატენდერო განცხადების ნომერი NAT190000712), სატენდერო განცხადებაში ცვლილების შეტანის შესახებ საკითხის განხილვა.

მოისმინეს: სხდომის დღის წესრიგით გათვალისწინებულ საკითხზე სატენდერო კომისიის წევრის (რ.კილასონიას) ინფორმაცია. მომხსენებელმა კომისიის წევრებს გააცნო ელექტრონული ტენდერის სატენდერო დოკუმენტაციაში ცვლილების განხორციელების მიზანშეწონილობაზე, კერძოდ:

- სახარჯთაღრიცხვო ნაწილში დაშვებულია უზუსტობა, რის გამოც საჭიროა ხარჯთაღრიცხვის კორექტირება. აღნიშნულიდან გამომდინარე სამუშაოებისათვის განსახორციელებელი შესყიდვის სავარაუდო ღირებულება შემცირდა (531980.00 ლარი შემცირდა 383116.00 ლარამდე).
- ასევე, ზემოაღნიშნული ცვლილებიდან გამომდინარე კორექტირებას საჭიროებს 2.2 მუხლი ინფორმაცია პრეტენდენტის გამოცდილების შესახებ.

კორექტირებული ხარჯთაღრიცხვის შესაბამისად, შესყიდვის სავარაუდო ღირებულება განისაზღვრა 383116 (სამასოთხმოდასამი ათას ასთექვსმეტი) ლარით. სამუშაოების შესრულების ვადა გათვალისწინებულია ხელშეკრულების დადებიდან 60 (სამოცი) კალენდარული დღე.

ტენდერში მონაწილე პრეტენდენტმა შემსყიდველ ორგანიზაციას საჭიროა წარუდგინოს ანალოგიური სამუშაოების შესრულების დამადასტურებელი დოკუმენტაცია, რომელთა ჯამური ოდენობა ერთი სრული წლისათვის განისაზღვრება ფორმულის გამოყენების საშუალებით:

$X = (E \cdot 12 / D) \cdot m$, სადაც:

- X - ტენდერში მოცემული კონკრეტული შესყიდვის ობიექტის წარსულში ანალოგიური შესრულებული სამუშაოების/გაწეული მომსახურების/მიწოდებული საქონლის ჯამური ღირებულება ლარებში;
- E - წინამდებარე ტენდერით განსაზღვრული შესყიდვის ობიექტის სავარაუდო ღირებულება ლარებში;
- D - წინამდებარე ტენდერით განსაზღვრული შესყიდვის ობიექტის მიწოდების პერიოდის ხანგრძლივობა თვეებში;
- m - მულტიპლიკატორი (მოცემულ შემთხვევაში მულტიპლიკატორის ოდენობა არჩეულ იქნა 0,5).


ყოველივე ზემოაღნიშნულის გათვალისწინებით, მითითებული ფორმულის გამოყენებით, საბოლოოდ მიღებული ციფრი შეადგენს 1149 348 (ერთი მილიონ ასორმოცდაცხრა ათას სამასორმოცდარვა) ლარს.

სატენდერო კომისიამ შესყიდვის სავარაუდო ღირებულების და მიწოდების ვადების გათვალისწინებით მიზანშეწონილად მიიჩნია, რომ მოცემულ ტენდერში პრეტენდენტის გამოცდილების შესახებ საჭირო მაჩვენებელი განისაზღვროს 2016 წლის 1 იანვრიდან წინადადებების მიღების დასრულების დღემდე ჯამური ღირებულებით არანაკლებ 3 448 044 (სამი მილიონ ოთხასორმოცდარვა ათას ორმოცდაოთხი) ლარის ოდენობით.


კომისიამ გადაწყვიტა: სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ 19-ე მუხლის თანახმად, განხორცილდეს ცვლილება 2019 წლის 15 იანვარს, აუქციონის გარეშე გამოცხადებულ ელექტრონულ ტენდერში (სატენდერო განცხადების ნომერი NAT190000712), სატენდერო განცხადებაში და სატენდერო პირობების გასაცნობად და სატენდერო წინადადების წარსადგენად ვადები დადგინდეს „სახელმწიფო შესყიდვების შესახებ“ საქართველოს კანონის 15¹ მუხლის შესაბამისად.

დაევალოს სატენდერო კომისიის აპარატს: უზრუნველყოს სატენდერო გაცხადებაში შესაბამისი ცვლილების შეტანა და წინამდებარე სხდომის ოქმის განთავსება სახელმწიფო შესყიდვების სააგენტოს ოფიციალურ ვებგვერდზე (www.procurement.gov.ge).


კომისიის წევრები:

1.  მ. ნანაია;

(თავმჯდომარე);


3.  თ. შნავა;

2.  გ. შენგელია;

4.  რ. კილასონია.

კომისიის აპარატის წევრები:

1.  გ. ფარულავა;

3.  ბ. ქარდავა.

2.  კ. ქეია;